

Õддән даалгъврмуд авцхав

Прикаспийск МРС-н загъсчнр СССР-н Деед Советд сунъгългъиг уктдж, 1958 джилә негдгч кварталин загъс бәрлгънә болн загъсна зерзев яслгъна зурагъан цагаснь эрт кӯцәхәр зӯткдж йовцхана.

Прикаспийск комбинатин коллектив кварталин чилгчд 50 центнер утсн, 100 центнер кõргәсн загъс зурагъасн давулдж õгх даалгъвр авцхав.

„Оленичевск“ совхозин, „Красный моряк“ болн „II пятилетка“ колхозмудин малчнр гару угагъар, таргън-цадхлнъгар малан ўвлзўлдж гар-

гъх, малин хот-хол, õвс әрвлх, ўвләр болн эрт-хаврас малин тõл авлгъиг шунмгъагъар, кӯцврмӯдтәгъәр кедж, 100 хургълх хõн болгънас 113 хургъ авх, хõн болгънас 5 килограмм ноос авх даалгъврмуд авцхав. Ўлгӯрнъ, „Оленичевск“ совхозин хõõчнр И. Чернышов, Б. Тамбаев, „Каспиец“ колхозин хõõчнр Н. Саенко, „II пятилетка“ колхозин хõõч Лиджи-Гаряев, Бадмаев, „Красный моряк“ колхозин хõõч Щунгурциков даалгъвран кӯцәхин тõлә шунмгъагъар кõдлдж йовцхана.

С.-Г. ГОШЕНДАНОВ.